



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Societatis Iesv Sive Propvgnacvlvm: Pontificum,
Conciliorum, Cardinalium, Antistitum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

6. Class. Sacri Senatvs.

urn:nbn:de:hbz:466:1-38486

A SACRIS SENATIBVS.

*Societas in
Ignatio
Fundatore
laudata.*

*Hic decus,
& orna-
mentum
Hispania,
ac sui sa-
culi.*

*Illā virtū-
tibus, do-
ctrina, &
exemplo
fert cumu-
latissimos
fructus.*

*De tota
Dei Eccle-
sia ac ter-
rarum Orbe
benemerita.*

1. * **A**B HISPALENSI In *Edicto* ann. 1628. die 28. Junij promulgato, sub Eminentissimo Domino D. Didaco de Guzman Cardinali S. R. Ecclesia, & Præsule Hispalensi: in quo *Edicto* Festum Sanctissimi Parentis Ignatii velut proprium illius Ecclesia, & lege lata sanxit, ut ritu duplici celebraretur, illudque sic se habet. Animaduertentes magnam obligationem, qua cuncti tenemur erga D. Ignatium Loyolæum, tribulem nostrum, totius Hispaniæ superioris sæculi, & huiusce nostri decus, & Ornamentum: illius vero Religionis Parentem, quæ suis virtutibus, doctrina & exemplis vberimos, & cumulatissimos fructus de tota Dei Ecclesia, imò de toto terrarum Orbe benemerita tulit, & fert etiamnum: cui quidem cumulatissimam gratiam referre debemus, & tanti Sancti intercedente patrocinio nobis plurima certe beneficia polliceri. Animaduertentes, inquam tot titulis, & nominibus nos adstringi, & magno dilectissimorum Fratrum nostrorum Decani, & Senatus Ecclesiastici consensu, facultate nobis à Summis Pontificibus, Sacris Concilijs, & iure communi concessa vrentes, prædictum Sancti IGNATII Festum accipimus, & amplectimur iuxta Concilij Tridentini decreta, ut in nostra Metropoli, & in ceteris huius Ciuitatis, & Archiepiscopatus Ecclesijs, & in omnibus eius Conuentibus, & Monasterijs & ab omnibus personis Ecclesiasticis in choro, & extra chorum die 31. Iulij ritu duplici celebretur: quemadmodum aliorum Sanctorum Hispanorum, & maximè Patriarcharum festa eodem ritu duplici celebrantur. *Hæc Senatus amplissimus, & inter omnes alios nobilissimus, ac celeberrimus, in suo Edicto (in summam Ignatii, & Societatis laudem elaborato) & latine ex Hispano idiomate, edito; ut videre est apud P. Anton. de Quintanaduénas de Sanctis Hispal. fol. 348.*

* AB

• AB EODEM: In altero simili Edicto non minus Societati, & XAVERIO, honorifico; in quo tanti tamque celeberrimi Indorum Apostoli Festum velut proprium eiusdem Metropolitana, tantus, tamque sacratissimus Senatus recipi iubet, & lege lata sanxit, vt ritu etiam duplici 2. die Decembris celebraretur. Quam quidem legem Doctor Dionysius à Monteferrato Eminentissimi Domini D. Gasparis de Borja Vicarius Generalis, & Proepiscopus ann. 1635. die 19. Nouembris, totius eiusdem Senatus vnanimi conspiratione promulgauit. Edictum igitur erat huiusmodi. Consideratis, & attempta mente perpenis nominibus pluribus, quibus ad D. XAVERIVM singulari studio, ac pietate colendum, deuincimur, quia scilicet Hispanus est, Hispaniæ nostræ, præteriti, & præsentis æui coruscum iubar: quia flos primæus est, primarius, princepsque fructus Illustrissimæ Religionis Societatis IESV, cui tot, tantaque debet Vniuersalis Ecclesia propter vberriimos, eximiosque fructus, quorum accessione ditata, & nobilitata fuit, & etiam nunc concionibus, literis, & exemplis ab ea locupletatur: maximè vero quia Diuinum Numen præpotentem manum suam in hoc sancto efformando heroicis virtutibus, & exemplis, ardentissimo animarum zelo, portentosis miraculis, singularique Apostolicæ Vitæ dignitate eum decorando, & illustrando ostentauit. Vnde & ab ipsa sancta Sede Pontificia (quæ sancto spiritu regitur, & gubernatur) in eo diplomate, quo in Diuos relatus est, INDIAE APOSTOLVS haud semel nuncupatur: quippe qui Orbi nouo in tenebris sedenti sol nouus fidei facem prætulit: in remotissimas etiam & ignotas nationes Christi cultum primus inuexit: infinitasque propemodum Barbarorum miriadas Christo Domino conciliatas, Sacro baptismatis fonte lustrauit; vt idem testatur Diploma. Quia vero ex publico tanti sancti cultu, & veneratione, & è solemni eius festi celebratione, nouas opes, & auxilia in nos emanatura speramus, communi consensu DD. Decani, & Senatus Ecclesiastici prædictum Festum complectimur, &c. Ita vulgari

Commen-
datur in
Xauerio
Indiarum
Apostolo.

Qui est
Hispania,
ac sui æui
coruscum
iubar.

Flos pri-
mæus, ac
primarius
fructus il-
lustrissimæ
Societatis.

Cui prop-
ter vberri-
mos fructus
plurimum
debet vni-
uersalis
Ecclesia.

Et cuius
concioni-
bus literis
& exem-
plis locu-
pletatur.

Sol nouus
Orientis
fidei facem
præferens:

gari etiam Idiomate habetur apud citat. Auctorem Ibidem fol. 367.

In Societa-
tem falsa
criminatio.

2. AB SPIRENSI. Comitum Palatini instinctu Senatus secularis Spirensis, Antistiti & Canonicis supplicavit, ut Iesuitas expellerent, in libelloque supplici, aiebant, Societatem esse perniciosam hominum sectam, paci, libertati, religioni aduersam. Per eam irritato vicino Principe, penuriam rerum induci, qui propterea à sua ditione ligna, & commeatum exportari non pateretur. Iesuitis eiectis omnia numero pressa, grauem esse. Ad quæ Canonici respondere. Ordinem à cunctis Christianis receptum Principibus, non sine graui contumelia perniciosam appellari sectam, nec posse dictum, aut factum Iesuitarum aduersarium paci proferri. In eisdem per inuidiam, & sane leuiter apud gnaros rerum annonæ grauitatem conferri, vicinorumque Principum offensionem: cum ante eorum aduentum nihilo fuerint vicini clementiores, nec annona laxior: licere Clero suum Ordinem absque senatus iniuria augere: nec posse Clericos prohibere, quin suam habeant familiam. Quod si vel ad docendum, vel ad alia munia pro Iesuitis Clericos seculares instituant; hos ubi suam quisque conflat familiam, quamuis paucos, Iesuitis multis fore Ciuitati grauiores. Sic Par. 4. Hist. Soc. lib. 1. n. 87. Vbi additur: Hac Ecclesiasticorum constantia effecit, ut cum iterum senatus deferret querelas, contumeliosis vocibus abstinens, imo, & laudibus ornans Societatem, pacis tamen causa mitti postularet. Sed Canonicis, atque Andrea ab Obersteino in primis Decano grauissime propugnantis: &, si quid haberent, ad legitimam iudicij formam prouocantibus, quicquere.

Spirentium
Canonicorum
beni-
gna respon-
sio.